

სსიპ „სამედიცინო საქმიანობის სახელმწიფო რეგულირების სააგენტო“



სააგენტოს სარგებლობაში არსებული 5 წელზე მეტი წლოვანების ავტომანქანების
შეკეთებისა და ტექნიკური მომსახურების სახელმწიფო შესყიდვის გამარტივებული
ელექტრონული ტენდერის სატენდერო დოკუმენტაცია
(CPV 50100000)

2017 წლის სახელმწიფო ბიუჯეტით გათვალისწინებული ასიგნებების ფარგლებში

წინამდებარე სატენდერო დოკუმენტაცია შედგენილია „სახელმწიფო შესყიდვის შესახებ“ საქართველოს
კანონისა და სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით
დამტკიცებული „გამარტივებული შესყიდვის, გამარტივებული ელექტრონული ტენდერისა და
ელექტრონული ტენდერის ჩატარების წესის“ საფუძველზე.

2016 წ

ქ. თბილისი

1. ტექნიკური დოკუმენტაცია

1.1. შესყიდვის ობიექტის აღწერილობა:

- 1.1.1. ავტომანქანების სახეობების მიხედვით (სულ 9 ავტომანქანა) გასაწევი მომსახურების აღწერილობა განისაზღვრება სატენდერო დოკუმენტაციის დანართი №1-ის (ფორმა 1 - ფორმა 7) შესაბამისად.
- 1.1.2. მიმწოდებელმა უნდა უზრუნველყოს შემსყიდველი ოპერატიული, რიგგარეშე, მაღალხარისხიანი მომსახურებით მიმართვიდან გონივრულ ვადაში. პრეტენდენტს უნდა გააჩნდეს მოქმედი სერვისცენტრი ქ. თბილისში და შეეძლოს ერთდროულად რამოდენიმე ავტომანქანის მომსახურება. პრეტენდენტის სერვისცენტრი დაკომპლექტებული უნდა იყოს გამოცდილი სპეციალისტებით და აღჭურვილი უნდა იყოს თანამედროვე აპარატურითა და დანადგარებით.
- 1.1.3. მიმწოდებლის მიერ შეცვლილ ნაწილებზე და გაწეულ მომსახურებაზე უნდა ვრცელდებოდეს გარანტია. საგარანტიო პერიოდის განმავლობაში გამოვლენილ ნაკლოვანებებს აღმოფხვრის მიმწოდებელი დამატებითი ანაზღაურების გარეშე.
- 1.1.4. ავტოტექმომსახურების სერვისცენტრები უნდა მდებარეობდეს შემსყიდველი ორგანიზაციის მისამართიდან (ქ. თბილისი, წერეთლის გამზ N144) 10 კმ-ის რადიუსში.

1.2. მომსახურების გაწევის ვადები და პირობები:

- 1.2.1. მომსახურება განხორციელდება ხელშეკრულების გაფორმებიდან 2017 წლის 31 დეკემბრამდე, საჭიროებისამებრ, შემსყიდველის მოთხოვნის შესაბამისად.
- 1.2.2. მიმწოდებელი ვალდებულია, ყოველ კონკრეტულ შემთხვევაში, შემსყიდველის მიმართვის შემდეგ, ჩაატაროს ავტომანქანის დათვალიერება, რის შემდგომაც, მხარეები ადგენენ დეფექტურ აქტს, რომელშიც მითითებული იქნება გასაწევი მომსახურების/სათადარიგო ნაწილის სახეობა, რაოდენობა/მოცულობა, მათი ღირებულებები, მომსახურების გაწევის/საქონლის მოწოდების კონკრეტული ვადა.

1.3. მომსახურების გაწევის ადგილი – მომსახურების გაწევა იწარმოებს ქ. თბილისში, პრეტენდენტის ექსპლუატაციაში არსებულ ავტოტექმომსახურების სერვის-ცენტრში.

1.4. ანგარიშსწორების პირობები – უნაღდო ანგარიშსწორება ლარებში, ეტაპობრივად, ფაქტიურად გაწეული მომსახურების მიხედვით, მხარეებს შორის მიღება-ჩაბარების აქტის გაფორმებიდან 15 საბანკო დღის განმავლობაში. წინასწარი ანგარიშსწორება არ იწარმოება.

1.5. სატენდერო წინადადება და თანმხლები დოკუმენტაცია შედგენილი უნდა იქნეს ქართულ ენაზე.

1.6. პრეტენდენტის მიერ, სისტემაში ასატვირთი სატენდერო წინადადება უნდა შეიცავდეს შემდეგ დოკუმენტებსა და ინფორმაციას:

- ა) პრეტენდენტის რეკვიზიტები, პრეისკურანტის ჯამური ღირებულება, სატენდერო წინადადების მოქმედების ვადა, ანგარიშსწორების პირობები, სატენდერო დოკუმენტაციის დანართი №2-ის მიხედვით.
- ბ) ავტომანქანების სახეობების მიხედვით, პრეისკურანტების ღირებულება სატენდერო დოკუმენტაციის დანართი №1-ით გათვალისწინებული ფორმების (ფორმა N 1- ფორმა N 7) შესაბამისად.

შენიშვნა:

- დანართი №1-ის ფორმებში პრეტენდენტის მიერ მითითებული საქონლისა და მომსახურების ერთეულის ფასები (გრაფები №5, №6) არ უნდა აღემატებოდეს შესაბამის პოზიციებზე შემსყიდველის მიერ მითითებულ სავარაუდო ერთეულის ფასებს (გრაფები №3, №4), რომელიც დადგენილია ბაზრის კვლევის შედეგად.
- იმ შემთხვევაში, თუ პრეტენდენტი მიიღებს მონაწილეობას ელექტრონულ ვაჭრობაში, დანართი №1-ის კორექტირებული ფორმების წარმოდგენისას, დაუშვებელია რომელიმე პოზიციაზე პრეტენდენტის მიერ თავდაპირველად მითითებული ერთეულის ფასის მომატება.
- გამარჯვებულ პრეტენდენტთან ხელშეკრულების გაფორმების შემდეგ, პრეისკურანტში მომსახურების/საქონლის რომელიმე ერთეულის არარსებობისას, აღნიშნული ობიექტის ერთეულის ფასი, მისი შესყიდვის აუცილებლობისას, დადგინდება შემსყიდველი ორგანიზაციისა და მიმწოდებლის შეთანხმებით, საბაზრო ფასის გათვალისწინებით. ასეთ შემთხვევაში პრეისკურანტში მომსახურების/საქონლის რომელიმე ერთეულის არარსებობით გამოწვეული შესყიდვის ხვედრითი წილი არ შეიძლება აღემატებოდეს პრეისკურანტის საერთო ჯამური ღირებულების 10%-ს.

გ) ინფორმაცია პრეტენდენტის მატერიალურ-ტექნიკური ბაზის, მომსახურე პერსონალის, პრეტენდენტის ექსპლუატაციაში არსებული ავტოტექნომომსახურების სერვის-ცენტრის შესახებ, მისამართის მითითებით, სატენდერო დოკუმენტაციის 1.1.2. პუნქტის მოთხოვნათა გათვალისწინებით.

დ) საგარანტიო მომსახურების პირობები, სატენდერო დოკუმენტაციის 1.1.3. პუნქტის მოთხოვნათა გათვალისწინებით.

- *იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული პრეისკურანტის საბოლოო ფასი 20%-ით ან მეტით დაბალია შესყიდვის ობიექტის პრეისკურანტის თავდაპირველ ღირებულებაზე, შემსყიდველი ორგანიზაცია პრეტენდენტისაგან მოითხოვს ფასწარმოქმნის ადეკვატურობის დასაბუთებას, ფასწარმოქმნის ადეკვატურობა, ყოველი კონკრეტული შემთხვევიდან გამომდინარე, შესაძლებელია დასაბუთდეს შესყიდვის ობიექტის მიწოდებასთან დაკავშირებით პრეტენდენტის მიერ გაფორმებული ხელშეკრულებით, ანგარიშგაქტურით (ინვოისით) ან/და სხვა ისეთი დოკუმენტაციით რომელიც დაადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას.*

სახელმწიფო შესყიდვების შესახებ ხელშეკრულების პროექტი ხელშეკრულება N

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

1. ხელშეკრულების დამდები მხარეები

1.1. ერთი მხრივ, , შემდგომში „შემსყიდველი“, სსიპ „სამედიცინო საქმიანობის სახელმწიფო რეგულირების სააგენტო“, სააგენტოს უფროსის გია თვალავაძის სახით და, მეორეს მხრივ -----, შემდგომში „მიმწოდებელი“, ----- სახით.

2. ხელშეკრულების საგანი და ღირებულება

2.1. შემსყიდველმა განხორციელა გამარტივებული ელექტრონული ტენდერი (SPA00000000), სააგენტოს კუთვნილი, 5 წელზე მეტი წლოვანების ავტომანქანების შეკეთებისა და ტექნიკური მომსახურების შესყიდვაზე (CPV კოდი -----), რომელშიც გამარჯვებულად მიჩნეული იქნა „მიმწოდებლის“ სატენდერო წინადადება.

2.2. სახელშეკრულებო ღირებულება შეადგენს ----- (თანხა ციფრებით და სიტყვიერად) ლარს.

3. შესყიდვის ობიექტის მახასიათებლები

3.1 გასაწევი მომსახურების აღწერილობა და ფასები განისაზღვრება გამარტივებულ ელექტრონულ ტენდერში მიმწოდებლის მიერ წარმოდგენილი თანდართული დოკუმენტების ----- შესაბამისად, რომლებიც წარმოადგენენ წინამდებარე ხელშეკრულების განუყოფელ ნაწილს.

3.2. მომსახურების გაწევა იწარმოებს ყოველი კონკრეტული შემთხვევისათვის შედგენილი დეფექტური აქტის საფუძველზე, რომელშიც მითითებული იქნება გასაწევი მომსახურების/სათადარიგო ნაწილის სახეობა, რაოდენობა/მოცულობა, მომსახურების გაწევის/საქონლის მოწოდების კონკრეტული ვადები.

4. მომსახურების გაწევის პირობები:

4.1. ვადები:

4.1.1 მომსახურების გაწევა განხორციელდება ხელშეკრულების გაფორმებიდან 2017 წლის 31 დეკემბრამდე, საჭიროებისამებრ, შემსყიდველის მოთხოვნის შესაბამისად. ყოველ კონკრეტულ მიმართვაზე რეაგირება განხორციელდება მიმართვიდან გონივრულ ვადაში, დეფექტურ აქტში დაფიქსირებული ვადების შესაბამისად.

4.2. ადგილი:

4.2.1. მომსახურების გაწევა განხორციელდება მიმწოდებლის მისამართზე: -----.

4.3 ტექნომომსახურების ჩატარების წესი:

4.3.1 ავტომანქანების ტექნიკური მომსახურება ჩატარდება მხარეთა მიერ შედგენილი და შეთანხმებული დეფექტური აქტის (დანართი ____) საფუძველზე;

4.3.2 ყოველ ავტომანქანაზე გაწეულ მომსახურებაზე მხარეები შეადგენენ გაწეული მომსახურების შესრულების აქტს (დანართი ____), რომელშიც მითითებული უნდა იყოს გაწეული მომსახურების დეტალური აღწერა, გამოყენებული სათადარიგო ნაწილების, საცხებ-საპოხი მასალების რაოდენობა, ერთეულის და საერთო ღირებულება;

4.3.3 საჭიროების შემთხვევაში, ისეთი მომსახურების გაწევის ან ამ მომსახურებისათვის საჭირო სათადარიგო ნაწილის შესყიდვისას, რომელიც არ არის გათვალისწინებული პრეისკურანტში, „შემსყიდველს“ და „მიმწოდებელს“ შორის გაფორმდება შეთანხმების აქტი (დანართი ____), ფასი დადგინდება საბაზრო ფასის გათვალისწინებით. ასეთ შემთხვევაში პრეისკურანტში მომსახურების/საქონლის რომელიმე ერთეულის არარსებობით გამოწვეული შესყიდვის ხვედრითი წილი არ უნდა აღემატებოდეს ხელშეკრულების ჯამური ღირებულების 10%-ს.

5. შესყიდვის ობიექტის მიღება-ჩაბარების წესი

5.1 ფაქტიურად გაწეული მომსახურების მიღება-ჩაბარება განხორციელდება ეტაპობრივად, წინამდებარე ხელშეკრულების 14.1 პუნქტით განსაზღვრული ხელშეკრულების შესრულების კონტროლის განმახორციელებელი კოორდინატორის მიერ მომზადებული ინსპექტირების აქტის საფუძველზე სამ ეგზემპლარად შედგენილი მიღება-ჩაბარების აქტით (დანართი N-----).

6. ანგარიშსწორება

6.1. ანგარიშსწორების ფორმა - უნაღდო ანგარიშსწორება ლარებში.

6.2. ანგარიშსწორება იწარმოებს ფაქტიურად გაწეული მომსახურების მიხედვით, ეტაპობრივად, მომსახურების გაწევის შემდეგ, მხარეებს შორის გაფორმებული მიღება-ჩაბარების აქტისა და მიმწოდებლის მიერ წარმოდგენილი ფინანსური დოკუმენტების საფუძველზე, მიღება-ჩაბარების აქტის გაფორმებიდან 25 საბანკო დღის განმავლობაში;

7. მხარეთა ვალდებულებები და უფლებები

7.1. „მიმწოდებელი“ ვალდებულია:

7.1.1. წინამდებარე ხელშეკრულების შესაბამისად განახორციელოს შემსყიდველის ხარისხიანი და გარანტირებული მომსახურება;

7.1.2. უზრუნველყოს მომსახურების გაწევა ოპერატიულად, შემსყიდველის მიმართვისთანავე, წინამდებარე ხელშეკრულების 4.1 პუნქტით გათვალისწინებული ვადების დაცვით;

7.1.3. მომსახურების ან სათანადო ნაწილის წუნის აღმოჩენისთანავე უზრუნველყოს მომსახურების ხელახალი გაწევა და სათანადო ნაწილის გამოცვლა უფასოდ, საგარანტიო პერიოდის განმავლობაში;

7.1.4. დროულად განიხილოს შემსყიდველის მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

7.2. „შემსყიდველი“ ვალდებულია:

7.2.1. მოახდინოს ანგარიშსწორება მიმწოდებელთან ხელშეკრულების პირობების შესაბამისად;

8. მხარეთა უფლება

8.1. „მიმწოდებელს“ უფლება აქვს:

8.1.1. ხელშეკრულების ფარგლებში მოითხოვოს დროული და სრული დაფინანსება.

8.2. „შემსყიდველს“ უფლება აქვს:

8.2.1. აწარმოოს გაწეული მომსახურების ხარისხისა და მოცულობის კონტროლი;

8.2.2. ცალმხრივად შეწყვიტოს ხელშეკრულების მოქმედება იმ შემთხვევაში, თუ მიმწოდებელი ვერ უზრუნველყოფს ხელშეკრულებით ნაკისრი ვალდებულებების ჯეროვან შესრულებას. ხელშეკრულება ცალმხრივად შეწყვეტილად ითვლება, აღნიშნულის შესახებ, მიმწოდებლისადმი გაგზავნილ წერილობით შეტყობინებაში მითითებული ვადიდან.

9. ფორს-მაჟორი

9.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

9.2. ამ ხელშეკრულებაში „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნების მკვეთრი შემცირებით და სხვა.

9.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

10 ხელშეკრულების პირობების გადასინჯვა

10.1. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია წინასწარ. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

10.2. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დამატებითი შეთანხმების სახით, რომელიც ჩაითვლება ხელშეკრულების განუყოფელ ნაწილად.

10.3 ნებისმიერ ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

10.4. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების თავდაპირველი ჯამური ღირებულების გაზრდა დაუშვებელია 10%-ზე მეტი ოდენობით.

11. სადაო საკითხების გადაწყვეტა

11.1. შემსყიდველმა და მიმწოდებელმა ყველა ღონე უნდა იხმარონ, რათა პირდაპირი მოლაპარაკებების პროცესში შეთანხმებით მოაგვარონ ყველა უთანხმოება და დავა, რომელიც წარმოიშობა ხელშეკრულების პირობების შესრულებასთან დაკავშირებით.

11.2. თუ ასეთი მოლაპარაკებების დაწყებიდან 10 (ათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს შესაბამის სასამართლოს.

12. ხელშეკრულების შესრულების შეფერხება

12.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ ათი დღის ვადაში უნდა აცნობოს მეორე მხარეს თავისი გადაწყვეტილება, აღნიშნულ გარემოებებთან დაკავშირებით. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის გზით.

13. ხელშეკრულების პირობების შეუსრულებლობა

13.1. ხელშეკრულებით ნაკისრი ვალდებულებების შეუსრულებლობის, არაჯეროვნად შესრულების ან/და შესრულების ვადების გადაცდენის შემთხვევაში, მიმწოდებელს შესაძლებელია დაეკისროს პირგასამტეხლო შეუსრულებელი ვალდებულების ღირებულების 0,2%-ის ოდენობით, ყოველ ვადაგადაცილებულ დღეზე გაანგარიშებით.

13.2. საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

14. ხელშეკრულების შესრულების კონტროლი

14.1. ხელშეკრულების შესრულების შუალედურ და საბოლოო კონტროლს განახორციელებს ხელშეკრულების შესრულებაზე კონტროლის განმახორციელებელი კოორდინატორი, -----
-- დეპარტამენტის ----- სამმართველოს ----- .

15. ხელშეკრულების მოქმედების ვადა

15.1. წინამდებარე ხელშეკრულება ძალაში შედის მხარეთა მიერ ხელმოწერისთანავე.

15.2. ხელშეკრულების მოქმედების ვადა განისაზღვრება 2018 წლის 31 იანვრის ჩათვლით.

16. განსაკუთრებული პირობები

16.1. ხელშეკრულება შედგენილია 2 ეგზემპლარად (---- გვერდზე) და თითოეულ მათგანს თანაბარი იურიდიული ძალა აქვს.

16.2. ხელშეკრულების ერთი ეგზემპლარი ინახება - `მომწოდებელთან`, ხოლო ორი - `შემსყიდველთან`.

შემსყიდველი

მომწოდებელი

3. დამატებითი ინფორმაცია

სატენდერო დოკუმენტაციის შესახებ დამატებითი ინფორმაციის მიღება დაინტერესებულ პირებს შეუძლიათ ერთიანი ელექტრონული სისტემის შესაბამისი მოდულის გამოყენებით, და სატენდერო კომისიაში, მისამართზე: ქ. თბილისი, წერეთლის გამზ. №144, სსიპ „სამედიცინო საქმიანობის სახელმწიფო რეგულირების სააგენტო“, მე-12 სართული, შესყიდვების სამმართველო.

ტელეფონი: 2725401, მობ: 599 877577.

საკონტაქტო პირი: თენგიზ მშვიდლობაძე.

1. რეკვიზიტები:

პრეტენდენტის იურიდიული ფორმა და დასახელება: _____

ხელმძღვანელის/ან უფლებამოსილი პირის სახელი და გვარი: _____

პრეტენდენტის იურიდიული ან/და ფაქტიური მისამართი: _____

პრეტენდენტის ტელეფონის ნომერი: _____

საიდენტიფიკაციო კოდი: _____

ბანკი და ბანკის კოდი: _____

ანგარიშსწორების ანგარიში: _____

2. ანგარიშსწორების პირობები: ანგარიშსწორება განხორციელდება უნაღლო ანგარიშსწორებით ლარებში, ეტაპობრივად, ფაქტიურად გაწეული მომსახურების მიხედვით, მხარეებს შორის მიღება-ჩაბარების აქტის გაფორმებიდან 25 საბანკო დღის განმავლობაში.

3. პრეტენდენტის სატენდერო წინადადება ძალაშია სახელმწიფო შესყიდვების ერთიან ელექტრონულ სისტემაში წინადადებების მიღების დაწყების თარიღიდან „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ მე-2 მუხლის პირველი პუნქტის „ჟ“, „რ“ ან „ტ“ ქვეპუნქტებით გათვალისწინებული ეტაპის დადგომამდე.

4. მომსახურების პრეისკურანტის ჯამური ღირებულება შეადგენს _____ ლარს.

5. ამ დოკუმენტზე ხელისმოწერით პრეტენდენტი ეთანხმება სატენდერო დოკუმენტაციით გათვალისწინებულ ყველა იმ მოთხოვნას, რომელთა შესახებ წერილობითი ინფორმაციის წარმოდგენა ან/და სისტემაში ატვირთვა არ არის სავალდებულო.

ხელის მოწერა და ბეჭედი _____

(მიმწოდებლის უფლებამოსილი პირის სახელი, გვარი)